

SABAHUDIN DELALIĆ
Dopredsjedavajući
Skupštine Kantona Sarajevo

..... radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeću

ZASTUPNIČKU INICIJATIVU

Tražim da Ministarstvo unutrašnjih poslova KS na internet stranici objavljuje statističke pokazatelje kriminaliteta.

Tražim da podaci uključe pokazatelje djelovanja sistema za prijavu korupcije.

Tražim da ovi podaci dolaze iz baze podataka kako bi oštećeni ali i svi građani mogli pratiti rješavanje krivičnog djela.

Tražim da se objavi tekst Protokola o saradnji između Kantonalnog tužilaštva i Ministarstva unutrašnjih poslova KS.

Obrazloženje:

Ministarstvo unutrašnjih poslova Kantona Sarajevo (MUP) Skupštini KS povremeno dostavlja Informaciju o stanju kriminaliteta, javnog reda i mira i sigurnosti saobraćaja na području Kantona Sarajevo.

Znatan dio ove Informacije su statistički pokazatelji kriminaliteta, koji su pored tabelarnog dijela ponovljeni i tekstualno. Pri tome se vrši uporedba samo sa prethodnom godinom.

Takav način dostave statističkih i tekućih informacija zastupnicima i građanima je nepraktičan i prevaziđen.

Postoji subjektivni osjećaj povećanja kriminaliteta kod građana, uprkos umirujućim porukama policije da bilježe trend smanjenja krivičnih djela.

Tražim da MUP na svojoj internet stranici redovno objavljuje statističke pokazatelje kriminaliteta, sa unosom unazad od 2006. godine, ažurno do tekućeg mjeseca.

Iz ove baze bi se trebao vidjeti i broj podnesenih službenih izvještaja od strane MUP-a prema nadležnim tužilaštvarima, po tužilaštvarima.

Tražim da podaci uključe pokazatelje djelovanja dosta promovisanog sistema za prijavu korupcije, odnosno broj podnesenih prijava, statistiku poduzetih aktivnosti i dobijene rezultate.

Posebno tražim da ovi podaci dolaze direktno iz baze podataka, bez pripreme posebnog dokumenta, kako bi oštećeni ali i svi građani mogli pratiti konkretno rješavanje krivičnog djela za koji su zainteresirani.


Ova baza bi mogla sadržavati i lokaciju krivičnog djela, kako bi se dobila mapa učestalosti.

Ovo bi predstavljalo suštinski transparentan rad i doprinijelo vraćanju povjerenja u rad policije i povećanju osjećaja sigurnosti uz mogućnost da MUP na najbolji način predstavi svoj učinak.

Na <http://mup.ks.gov.ba/aktuelno/obavijestenja/potpisani-protokol-o-saradnji> je navedeno da je potpisani Protokol o saradnji između Kantonalnog tužilaštva Kantona Sarajevo i Ministarstva unutrašnjih poslova Kantona Sarajevo, ali sam tekst protokola nije obavljen.

Tražim da se objavi jer je interes javnosti da se saradnja poboljša i naše razlog neslaganja brojeva.

Sarajevo, 01.02.2016 godine

SABAHUDIN DELALIĆ

Dopredsjedavajući
Skupštine Kantona Sarajevo